

পোয়া-মাইয়া অলর লাই বাইবেল

যা প্রকাশ গইজে

ঈশ্বরে অব্রাহামর
ভালবাসর পরিক্ষা
গইজে



যে লেইক্কে: Edward Hughes

যে ছবি আইক্কে: Byron Unger; Lazarus
Alastair Paterson

যে সম্পাদন গইজে: M. Maillot; Tammy S.

যে অনুবাদ গইজে: Arpan Dey

যে পরিচালনা গইজে: Bible for Children
www.M1914.org

©2024 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,
রেকর্ড গরিবার আর ছবছ লেখিবার অনুমতি দন গেইয়ে।


1



একদিন রাতিয়া ঈশ্বর অব্রাহামরে
এক অদ্ভুত আদেশ দিয়ে। ইয়ান
একখান পরিক্ষা আছিল ঈশ্বর
চাইতচায় যে অব্রাহাম যদি ঈশ্বরর
তুনবরে তার পোয়ারে বেশী
ভালবাসেনে কনঅ।


2

“তোয়ার পোয়া ইসহাকরে সংগে ল আর
তারে অইনর উপরে উৎসর্গ গরিদঅ” ইয়ান
ঈশ্বরের আদেশ। ইসহাকরে দিইফেলন?
তার পোয়ারে ত্যাগগরি
ফেলন? ইয়ান অব্রাহামরলাই
বউত কঠিন। ইভার পোয়ারে
খুবই ভালবাইসত।




3

কিন্তু অব্রাহাম যেই সমত কনকিছু বুঝানজায় এন সমতঅ
ঈশ্বরের উপর বিশ্বাস গইত শিক্ষে। বেয়াইন্যা সরে অব্রাহাম
তার পোয়া ইসহাক আরঅ দুইজন চাকর
লইয়েরে উৎসর্গ গইরত, পারত যাইবারলাই
তেয়ার আইয়ে।




4

যাইবার আগে, অব্রাহাম কিচু
গাছর টুরা লইয়ে যাতে
পোরানো উৎসর্গ গরিত
পারে। অব্রাহাম সিদ্ধান্ত
লইয়েদে ঈশ্বরের বাধ্য অইব।




5

তিনদিন পর ইতারো ঐ পাহারর কাছাকাছি
পৌছাইয়ে। অব্রাহাম তার চাকর অলরে
কইয়ে, “তোয়ারা এডে থাগ, আরা জাইয়েরে আরাধনা
গরি আবার ফিরি আইসমা” ইসহাকে লইয়ে
গাছর টুরা আর অব্রাহামে লইয়েদে
অইন আর ছুরি।




6

ইসহাকে জিঙ্গাইয়ে, “ভেড়ার বাচ্ছা
কডে পোরানো উৎসর্গ গরিবার?”
অব্রাহামে উত্তর দিয়ে, “ঈশ্বর নিজে
নিজে যোগাইদিব”।



7

ঈশ্বরে যে জাগা পছন্দ গইজেতা তারা দুইজন ঐ
জাগাত পৌছি গিয়ে। এডে অব্রাহামে ঈশ্বরের কাছে
পোরানো উৎসর্গ গরিবাল্লাই এক খান বেদী
বানাইয়েরে এডের উপরে গাছর টুরা দিইয়েরে
সাজাইয়ে। অব্রাহামে বউত বেদী বানাইয়ে।
অবশ্য ইবা বানাইবারসমত বেশী কষ্ট অইয়ে।



8

অব্রাহামে ইসহাকেরে বাইনদে আর তার একমাত্র
আপনপোয়ারে বেদীর উপর রাইক্ষ্যে। অব্রাহামে
কি আসলেই ঈশ্বরের বাধ্য অহিত যার, তার একমাত্র
পোয়া, আদরর ইসহাকেরে উৎস্বরগ গরিদিব?




9

অবশ্যই! অব্রাহামে
চকচইক্ক্যা ছুরির ফলা
উপরমিক্ক্যা তুইল্ল্যো। তার
বুক ফাডি যারগই,
তারপরত অব্রাহামে
জানে যে ও ঈশ্বরের
বাইধ্য অইবই।


10

ঈশ্বরের দূত জোরে
চিল্লাইয়েরে,
“থামা! এখন আই
জানি তুউই আরে
ডরআ। তুউই
আরল্লাইয়েরে
তোয়ার একমাত্র
পোয়ারে পইযান্ত
ছাড়ি নঅদআ”



11

বারর ভিতরে উঙ্গা ভেড়া দেখাগিয়ে,
অব্রাহামে খুলিদিয়েরে তার বদলে ভেড়া
উৎস্বরগ দিয়ে। সম্ভবত ইসহাকেও চিন্তা
গইজ্জ্যা, “ঈশ্বরে যোগাই দিয়ে তার
বাবায় যেন কইয়ে এন”




12

বাবে পুতে আরাধনা গরের, ঈশ্বরে অব্রাহামর সংঙ্গে কথা কইয়ে। “তোয়ার
বাইদ্যতার কারনে, তোয়ার পোয়াইনধর মইখ্যেদিয়েরে পত্যক জাতি আশীরবাদ
পাইব” কন একদিন অব্রাহামর বংশর মইখ্যেদিয়েরে যীশু জন্ম লইব।



13

অব্রাহাম আর ইসহাক বাড়িত ফিরি আইসসো। কিছুদিন পরে দুঃখ আইসসো।
সারা মারা গিয়ে, অব্রাহামে তার বউ আরাইয়ে, আর ইসহাকে তার মা
আরাইয়ে।



14

অন্ত্যেষ্টিক্রিয়ার শেষে,
অব্রাহামে তার বড় দাসের পাঠাই
দিয়ে ইসহাকরল্লাই বউ চাইত। সেই
চাকর অব্রাহামর পুরান বাড়ির আত্মিয় অলর মধ্যে গিয়ে
উঙ্গা বউ খুজিবারল্লাই।




15

চাকরে ঈশ্বরর কাছে একখান চিহ্ন চাইয়ে, “যে ম্যাইয়া আর উটরে পানি
জাছিব এই ম্যাইয়াই ইসহাকরল্লাই ঠিক অইবা” সংঙ্গে সংঙ্গে রিবিকা দিবাল্লাই
পানি জাইছে। রিবিকাও অব্রাহামর একজন আত্মিয়া। চাকরে বুঝিত পাইজে যে
ঈশ্বরে তার পাতনার উত্তর দিয়ে।



16

রিবিকা তার পরিবার ছারি আইয়েরে ইসহাকরে বিয়া গইজেয়। ইসহাকর মা
মারাগিয়েদে ইয়ানতু রিবিকা তারে সান্তনা দিয়ে। ইসহাকেঅ রিবিকারে খুবই
ভালবাইসসে!



17

ঈশ্বরে অব্রাহামর ভালবাসর পরিক্ষা গইজেয়।

ঈশ্বরর বাইক্য পবিত্র বাইবেলের তুন গল্পওয়া লওয়া আইয়ে

গল্প ইবার মইদ্যে আছে দে

আদিপুস্তক ২২-২৪

“তোঁয়ার বাইক্যই আঁর জীবনর আলোর কেবার (দরজা)”

গীতসংহিতা ১১৯:১৩০ পদ

18

এই বাইবেলের কাহিনী ইবা যে, আরারে তৈয়ার গইরগে এবং তিনি চান যেন আরা তাঁরে
জানি আরার সেই চমৎকার ঈশ্বরর ব্যাপারে আরারে কয়।

ঈশ্বর জানে যে, আরা খরাপ খরাপ কাম গইরগি যিবারে ঈশ্বর পাপ কয়। পাপর শান্তি মরণ
কিন্তু ঈশ্বর আরারে বেশী ভালবাসে। তিনি তাঁর অগ্নো পোয়া যীশুরে আরার পাপর লাই
ক্রুশত মরিবারলাই আর শান্তি পাইবার লাই পাঠাই দিইল। পরদি যীশু মরনরতুন জেয়াতা
হইয়েনে স্বর্গর মধ্যে যে, ঘর আছে এডে ফিরি গেইয়ে। যদি অনে যীশুরে বিশ্বাস গরণ আর
অনর পাপর লাই তাঁর কাছে মাফ চন তইলে তিনি মাফ গরি দিব। তিনি এখন আইয়েরে
আরার মধ্যে থাকিব আর অনেও তাঁর মধ্যে আজীবন থাইবেন।

যদি অনে বিশ্বাস গরণ যে ইবা হাঁসা তইলে ঈশ্বরর কাছে এই প্রার্থনাওয়া গরণ:
প্রিয়া যীশু, আই বিশ্বাস গরি দে, তুঁই ঈশ্বর আর আরার পাপর লাই মরিবার লাই মানুষ
হইয়েনে জন্মগ্রহণ গইরজুইন। আর এখন তুঁই আবার জীবিত আছন। দয়া গরি আর জীবনত
আইয়ো আর আর পাপ ক্ষমা গরি যেন, আই এখনতুন নওয়া জীবন পাইত পারি আর এক দিন
হরাজীবন তোয়ার অংগে থাইকতো যাইত পারি। আরে সাহায্য গরি যেন, তোয়ার আদেশ
মানিত পারি। আর তোয়ার পোয়া হইয়েনে তোয়ার লাই জীবন কাটাইত পারি।

বাইবেল পড়ন আর পোস্তকদিন ঈশ্বরর অংগে কথা কন (যোহন ৩:১৬)।

20

শেষ

5



60

19